

TREĆE IZDANJE  
OKTOBAR 2020



Adriatic Metals  
Eastern Mining

## ODRŽANA TREĆA SJEDNICA ODBORA ZA ODNOSE SA LOKALNOM ZAJEDNICOM

### LOKALNA ZAJEDNICA

#### Novo radno vrijeme Informativnog centra

U narednom periodu, Informativni centar će raditi radnim danima od 08:00 do 10:00 sati. Subota je neradna. Za sve informacije možete nam se obratiti na broj telefona 061 890 444 ili email adresu:

[infocentar@adriaticmetals.com](mailto:infocentar@adriaticmetals.com).



Odbor za odnose sa lokalnom zajednicom kompanije Eastern Mining je dana 01.10.2020. godine održao treću redovnu sjednicu. Kompanija je za članove Odbora obezbjedila organizovan prevoz iz Vareša do Tisovaca/ Pržića te su prije same sjednice održane u Domu kulture na Pržićima, članovi Odbora imali priliku posjetiti upravnu zgradu i upoznati se sa članovima ADT / EM tima kao i aktivnostima kompanije.

U toku same sjednice, usvojen je Zapisnik sa prethodne (telefonske) sjednice te su članovima Odbora ukratko predstavljene aktivnosti kompanije u prethodna tri mjeseca od strane izvršnog direktora Adnana Teletovića, ali i ostalih članova Eastern Mining-a u pogledu geoloških realizovanih aktivnosti i informacije iz okolišno - socijalnog tima.

Na zadovoljstvo kompanije uz većinski prisutan broj članova Odbora nastavljena je pozitivna i afirmativna diskusija u kojoj su sve zainteresovane strane dobole adekvatne informacije o Projektu i njihovim aktivnostima.

Da postoji odlična saradnja kompanije sa lokalnom zajednicom pokazalo se i kroz angažman Udruženja žena Pržići koje su za potrebe sjednice upriličile zakusku u skladu sa epidemiološkom situacijom.

Menadžment kompanije Eastern Mining se zahvaljuje članovima Odbora na odličnom odazivu, savjetima i sugestijama uz nadu da će konstruktivan dijalog biti i dalje nastavljen na opće zadovoljstvo stanovništva, lokalne zajednice i kompanije.



### INTERVJU SA ALEKSANDROM VUČKOVIĆEM



#### 1. Odakle dolazite?

Ja sam iz Beograda, ali također Melburn mogu nazvati svojim domom, jer je većina moje porodice tamo.

**2. Koliko dugo radite u Varešu?**  
Pridružio sam se Eastern Mining timu u Varešu u jesen 2018. godine.

**3. Da li ste radili na drugim projektima u Bosni i Hercegovini?**

Radio sam na mnogim projektima širom svijeta, uključujući region bivše Jugoslavije, ali je ovo prvi projekat u koji sam uključen u Bosni.

**4. Šta radite u Eastern Mining-u?**

Ja sam menadžer geološko-istražnih radova, što znači da rukovodim timom geologa i tehničara, radim na izradi programa za geološka istraživanja minerala, nadzirem istraživačke aktivnosti kao što su: bušenje, geološko kartiranje, geofizička istraživanja te uzrokovanje tla za geohermijsku analizu.

**5. Da li živate u Varešu ili negdje u blizini?**  
Od kad sam se pridružio Eastern Mining-u, većinu vremena sam živio u Varešu.

**6. Šta Vam se sviđa u vezi Bosne i Hercegovine?**  
Dosta stvari. Ovdje se osjećam kao da sam kod kuće, moja majka je rođena u Bosni. Sviđaju mi se njeni ljudi, kao i mješavina različitih kultura. Sviđaju mi se ove prelijepе planine, šume, potoci.

**7. Da li ste još negdje putovali po Bosni i koja su Vam najdraža mjesta?**  
Bio sam pitomac vazduhoplovne gimnazije u Mostaru, osamdesetih godina. Imao sam sreću da obiđem

većinu ove prekrasne zemlje. Naravno, Vareš je sada moje najdraže mjesto.

**8. Grad ili selo?**  
Selо sa povremenim posjetama gradu.

**9. Plaža ili planina?**  
Planina sa povremenim posjetama plaži.

**10. Šta radite kada niste na poslu?**  
Ranije sam provodio većinu svog vremena u planinarenju. Ali, sada nastojim da što više svog slobodnog vremena provodim sa svojom kćerkom, putujući ili planirajući nove avanture. Također, tokom odmora, uživam raditi na svojoj maloj farmi u centralnoj Srbiji te provoditi vrijeme sa prijateljima i porodicom.

**11. Koliko često idete kući?**  
Prije ove pandemije, nastojao sam svaki drugi produženi vikend provoditi kući. Nadam se da će se toj rutini vratiti brzo.

**12. Koje je Vaše omiljeno godišnje doba - ljeto ili zima i zašto?**  
Sviđaju mi se sva godišnja doba, ali april i oktobar su moji najdraži mjeseci. To su moji zlatni mjeseci, nije ni prevruće ni prehladno. Odlično vrijeme za šetnju i za uživanje u prirodi. Također je i dobro vrijeme za geološke poslove.

## INTERVJU SA SLAVICOM MALBAŠIĆ

**Želim da Vam se zahvalim na Vašem izdvojenom vremenu i tome što ćete govoriti za treće izdanje našeg Eastern Mining biltena o svom iskustvu i zapolenju, a koji je u sklopu projekta "Living history project". Za početak recite nam nešto više o sebi?**

Ja sam Slavica Malbašić, rođena sam na Pržićima gdje sam i osnovala porodicu, živim tu na Tisovcima, a djeca su mi u inostranstvu - jedan sin živi u Zagrebu, a drugi je u Holandiji. Za vrijeme rata sam živjela u Drvaru, gdje sam tri godine radila u vrtiću. Kada je počeo sa radom rudnik olova, cinka i barita, tu sam se zaposlila kao kuharica.

### Šta je bio Vaš prvi posao?

Moje prvo radno iskustvo je bilo u školskoj kuhinji na Pržićima gdje sam počela raditi sa 17 godina kao kuharica. Tu sam stekla prva radna iskustva, koja sam nastavila kasnije sa radom u kuhinji Energoinvestovog rudnika. Sa 39 godina sam počela raditi kao kuharica u rudniku, jer sam se u međuvremenu posvetila porodici i odgoju djece.

### Koliko je ljudi bilo zaposleno u sektoru u kojem ste Vi bili zaposleni?

U kuhinji Energoinvesta je radilo nas četvero. Zaista je bilo lijepo raditi u kuhinji, prvenstveno jer smo se slagali i bili smo kao jedna porodica. Radili smo u dvije smjene, obzirom da je u Rudniku bilo zaposleno oko 570 osoba. Posla i obaveza je zaista bilo mnogo, jer smo pored osnovnih poslova imali i zaduženja oko gostiju i poslovnih partnera koji su nas posjećivali.

### Već ste spomenuli da je u Rudniku tada radilo oko 570 osoba, da li je neko od članova Vaše porodice ili rodbine radio u rudniku?

Ne, niko od moje porodice nije bio zaposlen u rudniku. Ja sam samo radila u Energoinvestovom rudniku, kako sam već navela, na poslovima kuharice.

### Rekli ste da ste radili u školi, možete li nam reći koliko je đaka tada poхађalo osnovno školu?



Da, radila sam u školskoj kuhinji. U to vrijeme, svaki razred je imao po dva odjeljenja, a ukupno je bilo 750 đaka od prvog do osmog razreda osnovne škole. Danas imamo samo dvoje učenika na ovom području, nažalost.

### U vremenu kada ste Vi radili u rudniku olova, cinka i barita da li je bilo zaposlenih žena?

Bilo je mnogo zaposlenih žena u rudniku, rudarskih i hemijskih inžinjera, zatim rudarskih tehničara u rudniku. Veliki broj žena je radio u laboratoriji i upravi, također.

### Šta Vam se najviše sviđalo u Vašem poslu zbog čega ste voljeli da radite?

Nikada mi nije bilo teško da radim, a obzirom da su žene u prošlosti imale male mogućnosti za školovanje, ja sam se uvijek borila i trudila da sebi dokažem da sam sposobna i korisna. Najviše me ispunjavalo kada sam radila u vrtiću, sa djecom je najljepše raditi.

### Kada pogledate na život nekad i sad, na području općine Vareš, možete li napraviti poređenje?

Život je prije bio lijep. Preduzeća su radila, veliki broj ljudi je bio zaposlen i samim tim porodice su bile obezbjeđene. Vareš je imao sve. Mi smo npr. imali autobus od Pržića do Vareša, imali smo dva kafića, Dom kulture i bife. Često su organizovane zabave. Zatim, u Dom zdravlja Vareš su svake sedmice dolazili doktori specijalisti. Danas toga više nema. Nema ni gradskog autobusa čak, samo kombi koji radi do 15:00 sati. Međutim, ja sam jako sretna zbog Vašeg projekta, ja to vidim kao svjetlo na kraju tunela i radujem se otvaranju rudnika.

### Kako je Vareš izgledao na vrhuncu svoje moći u doba kada je radio Rudnik olova, cinka i barita?

U Varešu je tada djelovalo više preduzeća, samo Željezara je imala 1.500-2.000 radnika. Rudnik je zapošljavao oko 570 kao što sam već rekla. Potom, drvoprerada „Zvijezda“, Bobovac, Snaga i drugi. Život je bio aktivran i kvalitetan, a plate su bile redovne. Život je stvarno bio lijep.

### Kada su rudnik i željezara radili, je li se polagalo dovoljno računa o zaštiti okoliša i poštivanju tadašnjih zakona te oblasti?

Obećavalo se mnogo, međutim nije se poduzimalo skoro ništa. Najveći problem je bila separacija i prašina koja se javljala tokom rada rudnika. Iako je bilo reakcija i nezadovoljstva od strane mještana, tadašnje rukovodstvo nije poduzimalo ništa po tom pitanju.

### Imate li neku poruku za mlade ljude koji tek počinju graditi svoje karijere?

Svima bih poručila da ostanu u našem Varešu, a onima koji su otišli da se vrate jer nema nigdje sreće kao kod kuće.

### Hvala Vam na Vašem izdvojenom vremenu uz nadu da će se ova saradnja i dalje nastaviti i unaprijeđivati!

Hvala Vama na posjeti. Drago mi je da smo razgovarale i naravno uvijek se možete obratiti za bilo kakve informacije. Ja se iskreno nadam i želim da se kroz aktivnosti Vaše kompanije vrati barem mali dio života kakav smo prije živjeli na području općine Vareš.

## SPONZORSTVO NK VAREŠ

Još jedna od pozitivnih priča iz lokalne zajednice dolazi nam iz Nogometnog kluba Vareš. U prostorijama NK Vareš u Vareš Majdanu dočekao nas je sekretar kluba Malik Likić, sa kojim smo razgovarali o aktuelnoj situaciji u klubu, svakodnevnim izazovima sa kojima se klub suočava te o samoj podršci klubu u vidu sponzorstva od strane kompanije Eastern Mining.

Malik također obavlja funkciju trenera seniorske ekipе, koja se trenutno takmiči u Kantonalnoj ligi Ze-Do kantona gdje na početku sezone bilježi zaista obećavajuće



rezultate, trenutno su na četvrtoj poziciji sa 9 ostvarenih bodova zabilježivši tri pobjede i dva poraza. Prije tri godine NK Vareš je proslavio svoj 90. rođendan od postojanja kluba, kada su na domaćem terenu u Varešu ugostili ekipu Hajduka iz Splita.

"Funkcija sekretara NK Vareš podrazumijeva odgovornost za administrativne i organizacijske poslove, koja uključuje aktivnu saardnjу i njegovanje odnosa sa lokalnom zajednicom, društvenim organizacijama, medijima, kao i Nogometnim savezom BiH sve u cilju razvoja i poboljšanja uvjeta za rad kluba",



pojasnivši nam svoju ulogu u klubu, rekao je Malik.

Osvrnuvši se na trenutno stanje u klubu sa finansijskog aspekta te sve troškove koji se moraju pokriti kako bi klub bio u stanju da



normalno funkcioniše pitali smo Malika na koji način klub uspijeva ispuniti sve date obaveze, na što nam je odgovorio: "Iz godine u godinu sve je teže obezbjediti finansijska sredstva za takmičenje, naročito kada u obzir uzmem da se u prvom timu NK Vareš pridružuju četiri omladinske selekcije uzrasta 5-14 godina. Također svako gostovanje kluba u drugom gradu iziskuje troškove za koje je ponekad teško iznacići rješenja. Sredstva koja dolaze iz budžeta Općine Vareš nisu dovoljna i ne mogu nažalost pokriti naše troškove tako da nam je svaka pomoć od strane sponzora dobrodošla."

Iz kompanije Eastern Mining smo nastojali prepoznati potrebe NK Vareš nakon što su



nam se obratili pismenim zahtjevom te smo početkom augusta 2020. godine ponudili Sponsorski ugovor u trajanju od tri godine, gdje ćemo određeni iznos finansijskih sredstava na godišnjem nivou izdvajati upravo za potrebe kluba.

"Zahvaljujući kompaniji Eastern Mining, koja je kao društveno odgovorna prepoznala i podržala naš rad, uspjeli smo većinskim dijelom pokriti planirane troškove kluba tokom predstojećih sezona, što je na neki način produžilo životni vijek kluba koji se nalazio u teškoj finansijskoj situaciji. Značaj



obezbjeđenih sredstava za naredne tri godine će svakako doprinijeti i samoj stabilnosti. Ovom prilikom želimo da se zahvalim kompaniji Eastern Mining koja je ovim gestom pokazala da zaista prepozna potreba društvene zajednice, a naročito potreba udruženja i organizacija koje aktivno sudjeluju, te su osnovni dio društvene cjeline", naglašavajući doprinos kompanije Eatsern Mining, Malik je zaključio da bi bez ove pomoći funkcionisanje kluba i ulazak u takmičarsku sezonu bilo upitno.

U narednom periodu, uz već izrađenu projektnu dokumentaciju u klubu planiraju rekonstrukciju stadiona da bi se dobila dodatna tribina sa 300 sjedećih mesta što je ujedno i uslov da bi se ušlo u veći rang takmičenja. Da bi se ostvarila rekonstrukcija NK Vareš će ponovo ovisiti o pomoći lokalne zajednice, prvenstveno Općine Vareš i mogućih sponzora.



## LOKALNA ZAJEDNICA - PRAĆENJA KVALITETA ZRAKA



Za ocjenu kvaliteta zraka potrebno je mjerjenje u trajanju jedne kalendarske godine, međutim rezultati kratkoročnog perioda mjerjenja su važni za buduće usporedbu rezultata mjerjenja u smislu trenda kvaliteta zraka za predmetnu lokaciju. Eastern Mining je praćenja kvaliteta zraka uspostavio na 14 lokacija, zvanično od 15.06.2020. godine i provodit će mjerjenja u trajanju minimalno godinu dana.

Prema do sada prikupljenim rezultatima, možemo reći da su do sada utvrđene vrijednosti vrlo realne i prihvatljive. U određenim uslovima kvalitet zraka je neznatno zagađen, što može biti posljedica uticaja iz makro lokacije (šire okruženje Iljaš, Kakanj). Ipak, konstatovano je da nisu prekoračene vrijednosti

